



SAOPŠTENJE ZA JAVNOST

Tužilaštvo Brčko distrikta BiH učestvovalo na seminaru o sigurnosti novinara i novinarki u BiH

(Brčko, 20.05.2025. godine)

U okviru Zajedničkog programa Evropske unije i Vijeća Evrope pod nazivom „Zaštita slobode izražavanja i slobode medija u BiH – PROFREX“, dana 15. i 16.05.2025.godine u Neumu, uspješno je održan dvodnevni seminar o sigurnosti novinarki i novinara u BiH čija je centralna tema bila rodno zasnovano i digitalno nasilje.

Potvrđujući svoju predanost u institucionalnoj zaštiti novinara u BiH, Vršilac dužnosti glavnog tužioca Tužilaštva Brčko distrikta BiH Radmilo Ivanović bio je jedan od predavača na ovom seminaru sa izlaganjem na temu zaštite novinara i novinarki iz perspektive Tužilaštava i Policije, te posebnim osvrtom na izazove u digitalnom prostoru.

Seminar je održan sa ciljem unapređenja zaštite novinara/ki kroz multisektorski pristup, te osnaživanje medijske zajednice i jačanje svijesti o važnosti borbe protiv različitih oblika rodno zasnovanog nasilja koji se pojavljuju kao najčešći oblici kršenja prava i sigurnosti novinara/ki u javnom prostoru Bosne i Hercegovine. Na ovom seminaru svoje aktivno učešće je uzelo 24 novinara/ke iz BiH, predstavnici medija, predstavnik Tužilaštva Brčko distrikta BiH, te eksperti i konsultantice Vijeća Evrope.

